

SOFONÍAS

(Chofonía)

Tupana rü Yudáanecüâxgüxü tá napoxcu

1 ¹Rü ñaa nixí ga ore ga Cori ya Tupana Chofoníamaxã nüxü ixuxü ga yexguma Yochía ga Amóü nane âëxgacü ixíxgu ga Yudáanewa. Rü nüma ga Chofonía rü Cúsi nane nixí, rü Cúsi rü Yedaría nane nixí, rü Yedaría rü Amaría nane nixí, rü Amaría rü Echequía nane nixí. ²Rü ngëma norü ore i Cori ya Tupana rü ñanagürü: “Noxtacüma tá ichayanaxoxëxë i guxüma i taxacü i ñoma i naanewa ngëxmagüxü. ³Rü tá ichayanaxoxëxë i duüxügü, rü naexügü, rü ngëxgumarüxü tá ta i werigü, rü choxnigü. Rü tá naxcax íchayagoöchi i ngëma chixexüarü üruügü, rü tá chanadai. Rü tá ichayanaxoxëxë i guxüma i duüxügü i ñoma i naanewa rü taxuxütáma ínayaxü.” Rü ngëma nixí i nüxü yaxuxü ya Cori ya Tupana. ⁴Rü nüma ya Cori ya Tupana rü ñanagürü ta: “Yudáanecüâxétü tá poxcumaxã chawéxmex. Rü ngëxgumarüxü tá ta poxcumaxã naétü chawéxmex i guxüma i duüxügü i Yerucharéüwa maxëxü. Rü tá ichayanaxoxëxë i ngëma tupananeta i

Baáchicünaxã namaxã i norü tupaucagü rü norü chacherdótegü. Rü ngëmaacü rü woo i naégagü i ngëma chacherdótegü rü taxúetáma nüxna tacuaxáchi. ⁵Rü tá chanadai i ngëma duüxügü i norü iarü dauxnagu ígüxü nax nüxü yacuaxüügüxúcax ya üaxcü rü tauemacü rü woramacurigü. Rü ngëxgumarüxü tá ta chanadai i ngëma chauégagu norü tupananeta i Mircóüxü icuaxüügüxü. ⁶Rü ngëxgumarüxü tá ta ichayanaxoxëxë i ngëma duüxügü i choxna ixígachixü, rü tama chauxcax daugüxü rü tama choxna cagüexü ega taxacü nanaxwaxegü”, ñanagürü. ⁷iRü Cori ya Tupanapexewa perüchiane! Erü ngëma norü ngunexü i äücümaxü i nagu tá tüxü napoxcuexü rü marü ningaica. Rü nüma rü ínanamexëxë nax nadaiaxúcax i ngëma nüxna ixígachitanüxü. Rü nüma rü marü nüxna naxu i ngëma tá nadaixü. ⁸Rü nüma ya Cori ya Tupana rü ñanagürü: “Ngëma ngunexü i nagu tá nadaiaxü i ngëma duüxügü rü tá chanapoxcue i ngëma Yudáanearü âëxgacügü rü ngëma âëxgacügü nanegü rü guxüma i ngëma chorü duüxügü i to i

nachixũanearũ tupanenetaxũ
icuaxũũgũxũ.

.....

¹²Rũ ngẽma ngunexũgu rũ omũmaxã
guxũwama i Yerucharẽũwa tá mea
naxçax chadau i ngẽma duũxũgũ i
chixexũ ügũxũ. Rũ tá chanapoxcue i
ngẽma duũxũgũ i ñoma bínu ya
ichaxchixũmarecũrũxũ ixĩgũxũ. Rũ
nũmagũ rũ inarũchomare rũ taxuxguma
narũxĩnũe rũ nũgũmaxãtama
ñanagũrũgũ: ‘Nũma ya Cori ya Tupana
rũ taxuxũtãma i mexũ rũexna chixexũ
tamaxã naxũ’ ñanagũrũgũ”, ñanagũrũ
ya Tupana.

.....

2 ¹iRũ pengutaquexegũx, Pa
Duũxũgũ i Tama Ñneexũ
Cuaxgũxũx, rũ Tupanacax pedaũgũ!
²iRũ nũxũ perũxoe i ngẽma chixexũ i
Tupanapexewa pexũgũxũ! iRũ naga
pexĩnũe ñoma rũ ta nangema i ngunexũ
naxũpa nax pexũ ínawogũxũ ñoma
maxẽchapaxa buaneçũ ngexta
cuexũrũxũ, rũ naxũpa nax nawa
nanguxũ i ngẽma ngunexũ i ãucũmaxũ i
norũ numaxã nagu pexũ napoxcuexũ!
³Rũ ngẽmacax name nixĩ i naxçax
pedaũgũ, Pa Guxãma i Aixcũma
Napexewa Mecũmagũxe rũ Naga
Ínũexex. iRũ mea napexewa pemaxẽ!
Rũ bexmana ngẽmaãcũ nũma tá pexũ
ínapoxũ i ngẽma ngunexũ i nagu poxcu
ínguxgu.

.....

⁸⁻⁹Rũ nũma ya Cori ya Iraétanũxũarũ
Tupana ya guxãétũwa ngẽxmacũ rũ
ñanagũrũ: “Marũ nũxũ chaxĩnũ nax
ñuxãcũ ngẽma Moátanũxũgũ rũ
Amóũtanũxũgũ chorũ duũxũgũchiga

chixri yadexagũxũ. Erũ nũmagũ rũ
chorũ duũxũgũmaxã naguxchigagũ rũ
tũmaarũ naanegu nachocu. Rũ
ngẽmacax i choma rũ chauégagutama
nũxũ chixu rũ tá chayanaxoxẽxẽ i
ngẽma Moátanũxũgũ rũ Amóũtanũxũgũ
guma íanegũ ga Chodómarũxũ rũ
Gomórarũxũ. Rũ ngẽma norũ naane rũ
tá chuxchuxũnecũ chayanguxuchixẽxẽ.
Rũ tá nayucũraane rũ taxuxũtãma i
taxacũrũ nanetũ nawa narũxũ, rũ
guxũgutãma nachipetũanemare. Rũ
ngẽma chorũ duũxũgũ i to i
nachixũanewa gagũxũwa íyaxũgũxũ
rũ tá nanayauxgũ i ngẽma Moátanũxũ rũ
Amóũtanũxũarũ naanegũ rũ noxrũ tá
nixĩ.”

.....

**Ngẽma duũxũgũ i Yerucharẽũwa
yaxũgũxũ rũ tá Tupanaaxũ nayaxõgũ**

3 ¹²Rũ nũma ya Cori ya Tupana rũ
ñanagũrũ: “Pa Yerucharẽũx, cuwa
tá chayaxũgũxẽxẽ i duũxũgũ i
mecũmaxũ i chauga ínũexũ. Rũ nũmagũ
rũ tá chaugu nayaxõgũ. ¹³Rũ ngẽma
Iraétanũxũgũ i Yerucharẽũwa yaxũgũxũ
rũ taxũtãma chixri natanũxũgũmaxã
inacuax, rũ taxũtãma doraxũ nixugũe rũ
tagutãma texẽxũ nawomũxẽẽgũ. Rũ
mea tá ínachibũe, rũ tama
namũũeãcũma tá inarũngũgũ”,
ñanagũrũ.

**Tupana rũ tá nanataãxẽxẽxẽ i
Yerucharẽũcũãxgũ**

¹⁴iRũ pewiyaegũ, Pa Duũxũgũ i
Chióũcũãx! iRũ taãxẽãcũ picagũxũ, Pa
Iraeanecũãxgũ! iRũ petaãxẽ, Pa
Yerucharẽũcũãxgũx, rũ guxũnema ya

perü maxũnemaxã petaãxẽgũ! ¹⁵Eri
 nüma ya Cori ya Tupana rü marü
 ínayachaxãchi nawa i ngẽma poxcu i
 pemaxã naxueguxũ rü marü ínanawoxũ
 i ngẽma perü uanügu. Rü nüma ya Cori
 ya Tupana ya perü ãẽxgacü rü
 petanüwa nangexma, rü ngẽmacax
 marü taxucaxma pemuũe. ¹⁶Rü ngẽma
 ngunexũgu rü duũxũgü rü
 Yerucharéücüãxmaxã tá nüxũ nixu rü
 ñanagürügü tá: “iPetaãxẽgũ, Pa
 Chióücüãxgũx, rü taxú i muũmaxã
 piduxruexũ! iRü taxú i pegü
 peturaexẽxũ! ¹⁷Eri nüma ya Cori ya
 perü Tupana ixícü, rü petanüwa
 nangexma, rü nüma rü poracü nixĩ, rü
 pexũ tá namaxẽxẽ. Rü nüma ya Cori
 ya Tupana rü tá pemaxã nataãxẽ. Rü

ngẽma pexũ nax nangechaũxũgagu rü
 ngexwacaxũxũ i maxũ tá pexna naxã.
 Rü ngẽma nax pemaxã nataãxẽxũ rü
 norü taãxẽmaxã tá nawiyae”,
 ñanagürügü tá.

.....

²⁰Rü nüma ya Cori ya Tupana rü
 ñanagürü pexũ: “Rü ngẽma
 ngunexũgü rü pechixũanegu tá pexũ
 chanutaquexexẽ. Rü ngẽma perü
 naanewa rü tá pexũ charüngũxẽ nax
 wena mea pexũ nangupetüxũcax. Rü
 ngẽmaãcü tá petachiga napexewa i
 guxũma i duũxũgü i ñoma i naanewa
 ngẽxmagũxũ. Rü choma ya Cori ya
 Tupana nixĩ i nüxũ chixuxũ i ngẽma”,
 ñanagürü pexũ.

.....